



Regd.No.19134/88 <http://www.kbc.org.in> NAI/220/99  
No-G-4/Regd.Magazine/KBCThuso/MNP-81

So468

# KBC|THUSO

Kum 55 Ihinna

Lhaphul/May 2018

# Nute Nikho



## June 2018. Events

ENVIRONMENT DAY 13

PATE NIKHO - 17

FINANCE ACCOUNT CLOSE - 30

"Kapa theng, eini pumkhat ihi bang a amaho jong  
pumkhat ahi theina ding un, Nangman amahohi hong in"

John. 17:11



**Kuki Baptist Convention Youth Leaders Meet 2018  
at Centre Church New Lambulane, Imphal.**



**4th Fasting prayer cum Seminar  
at S. Lamphei, KBC Gambih no. 13**



# CONTENTS

THUMAKAI HO

|                                              |    |
|----------------------------------------------|----|
| 1. Editorial/Nute mopohna                    | 1  |
| 2. Lamkaipha/Rev. Onthang Haokip             | 3  |
| 3. Amasatah in amagamle/Mr. Haopu Haokip     | 5  |
| 4. Qualification of Pastors/Miss Anem Haokip | 7  |
| 5. An Educated Person/Rev. Onthang Haokip    | 9  |
| 6. Mission Column                            | 12 |
| 7. Women Column                              | 19 |
| 8. Youth Column                              | 21 |
| 9. Christian Education Column                | 23 |
| 11. Literature Column                        | 24 |
| 12. Finance Column                           | 27 |
| 13. Report                                   | 29 |

## EDITORIAL BOARD

|                             |                                                                                                                                              |
|-----------------------------|----------------------------------------------------------------------------------------------------------------------------------------------|
| <i>Chairman</i>             | : Rev. Dr. Hawlngam Haokip, President KBC                                                                                                    |
| <i>Editor</i>               | : Dr. M. Thongkhosei Haokip, General Secretary                                                                                               |
| <i>Joint Editor</i>         | : Rev. Henjalen Doungel                                                                                                                      |
| <i>Contributing Editors</i> | : 1. Rev. Letpu Kipgen<br>2. Rev. Onthang Haokip<br>3. Rev. Kaikhokam Chongloi<br>4. Pastor Paokhohao Haokip<br>5. Pastor Satminlen Khongsai |
| <i>Cir. Manager</i>         | : Ms. Lhingjanem Haokip                                                                                                                      |
| <i>Design &amp; Layout</i>  | : Hemkholen Haokip                                                                                                                           |

## THUSO LAHMAN

Church/Organisation/ Department .....Rs. 300/-  
Individual .....Rs. 200/- (Post a Rs. 250/- )

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,  
Kuki Baptist Convention,  
Opp. DM College, Imphal 795001, Manipur  
email: kbcindia@rediffmail.com

Advertisement bolnom hon Mobile No. 9612817768 Contact thei.  
Circulation to kisai lam Mobile No. 9862633173 bol ding.



## **“Nute Mopohna”**

**Editorial**

*“Numei chingin ainchén akisemphat in, Numei ngolin vang nn-chen asuhkeh joh ahi”*

*(Prov.14:1); Voujolsil sel hi kilhep lhahna bou ahin, mel-hoi jong amang loijitai; Pakai ging jing numei vang pachat chang jing ding ahi. Hiche nu hi atohga achan-lom abonchan peuvín, mitinin jabol cheh dinga lom numei ahi. (Prov. 31:30,31)*

*Thumakai:*

*Amasatah in muntina um Kuki Christian chate jouse ahideh a KBC member ho jouse chungá i Pakaiyu Jesu Christa minin salaam kahinpe cheh uve. Tulha thupi chu “Nute Mopohna” ahi toh kilhonin, i houbung leh lhangpi hinkhoa sahphat ding tampi lah a Nute mopohna hi jong poimo tah khat in kagelin ahi. Hiche article ah hin Kuki Christian te lah a Nute mopohna ho themkhat itahl-ang nomun ahiye.*

*Nute mopohna hi alhangpin mun thumáh akikhenne. Khatna ah, insung a amopohna; Nina ah, houbung sung; chuleh Thumna ah, kholaiya jong mopohna anei kit ahiye. Hiche mun hoa hi amopohnau chu – ajipa dinga inneipi, achate dinga minu ahi. Insunga adeh a achate chungá amopohnau chu ahileh, khatna ah, mihil (teaching), nina ah kichuhna (training),*

*thumna ah thumopma (instruction), aphaatseha aji le achate dinga umjing (always available) chuleh vetjui theitah hinkho man chu ahi.*

*Houbung sungah hin vang amopohna diu bang-tah leh kilomin chan akipe beh pon ahiye. Pathena kona thilpeh (gift) chang hijongleh pasal vaipohna leh chondanin aphal peh lou jeh chun a tohthei hou chu akisuhlhom peh un ahi. Hiti chun pulpit alosah pouvin, mihilna lam jong akibolsah jipoi. Nute mopohna hi phatah a gelphat peh angaiye. Chutobanga nute mopohna akisuh lhompeh vangin, nute hon ajo chanun pan alauvin, insung, houbung sung chuleh gamsunga amaho pan lahna jallin kikhelna lentah aumjing.*

*Esther lengnu leh tukhanga numei lolhing tah tah ho pan lah dan ivet leh alhangpi'n nute mopohna hi lampi li in kimui. Khatna ah, hangsan tah a pan lah dingmopohna anei uve. Thilpha molso na dingaa haansanna angaiye. Ama chan ding leh anei ding sanga midang alhasam ahatloute dinga panhuna anei ding ahi. Anina ah, Sei ngaina dinga mopohna nei ahiuve. Kisei ngaina tobanga thilpha umlou ahi. Vannoi muntinna khat leh khat kisei ngai ten khantou-machaalna lam ajot piuvin, amavang kisei ngailou te aiti in golnung apha ngaipoi. Houbung sunga Nute kisei ngai ding akhoh l'eh jenge. Athumna ah, hichea kisingaina chun Pumkhat hina ahin pohlut ding ahi. Kipumkhat na hi dinkhomna/dindetna ahin, kikhentel hi lhahsuhna ahi. Achaina ahivanga aneopen hideh lou, an-ngol taona mopohna anei uve. Insung-gam-sung hihen houbung sung hijong leh boina tampi aiti a um jingho hi baitah a adonbutna kimu jilou ahiye. Jona thei pen a iPakaiyin eihillu chu ahileh an-ngol taona ahiye. Pathen henga kinem l'uh a itaona chun Pathen hepina ahinpo in, chutia chu taona ga chu ilungtup molsona umji ahiye.*

*Lunglut tah a sim jouse chungah Pathen vangpeh chang taken.*

# LAMKAI PHA

(GOOD & STRATEGIC LEADER)

*Rev. Onthang Haokip*

*Secy. Edn Board, KBC*

## SERMON

Mihem hi Pathen thilgonin kiloikhomna beijin akiphatheipoi. Lamkai(Leader) beijin kiloikhomna aumtheipoi. Lamkaijin adinmun amopohna akihethem louleh khantouna leh machalna aumtheipoi. Lamkai hidan akibangpoi. Lamkaite thu lalou nam mite alosam jiuve. Lamkai kiti tapou chu Pathen tun ahidehpoi. Hinlah lamkai jouse Pathenin imakhat boldoh din amangcha nomcheh e. Lamkai thudol hi thujao tah or hoplen tah hijong leh tunin achomlam'a ngaito khomdin kahintah langnom e.

Pathen thilsem ahingthei jouse hin ama2 jat dungjuijin lamkai aneicheh in, Sihmi ho jeng jong aluboh len khat thu thu'n achonjiuve. Mihem te deh hi Lamkai beija hitheilou ahitoh lhon in Pathen thilgon in lamkai ngaichatna akineije. Insung khat jenga jong Mipa lamkai hina Bible in eiseipeh uve. Insung, Society Unit neopen a kipan in Jat le Nam, Gamkhat chule Vannoi pumpi chan ah lamkai ngaichatna aum e. Hitichun insung, Society, Gamakhat chuleh Namkhat dinmun phat leh phat lou hi lamkaija kingam ahidan noiija hin gahveu hite.

'Lamkai' jat 3 ho:-

1. Ama Ihinjouna dungjuija Pathen gon ho:- e.g., Moses, Joshua, Paul etc.
2. Vacancy(Mun ong lodinga mihem deisah) lamkai Ihinlelna

kihavet peh talou ho;

3. Ama hitheina a kipelut lamkai ho, mipi deilhen chanjou lou nunga lungthim tho leh Doha a ama thil hitheina mangcha a panmun tuh ho ahiuve.

Tulai dinmun'a ivet leh lamkai kisemdan, kilhendan ahilou leh chepidan hohi hetthemlouna a thil kibol, kilamkaina jong tampi mudoh theijin aum e. Bible a Pathen in lamkai ho ana tundan themkhat veuhite:-

1. Moses chu Pathen in alhen a asol ahi. Ama chu Egypt te chuleh Hebrew te thepna sangtah neikop ahin, athilto ho vang ahahsa lhez e. Hijong leh athoh ham2 in, Pathen mite Israel te chu Egypt gam asohchan naova kon in anapuidoh e.
2. Moses thakhel in Joshua jong Pathen lhen ahikit in, Israel chate Canaan gam ah apuilit in



ahi. Pathen in Athilgon suhbul-hitna dingin Ama deitah lamkai alhendan akimutheije.

3. Mitheng Paul, Christian ho sumang dinga nasatah a pang hijong leh Damascus khopi lampia Pakai Jesu'n Gentile te henga Kipana thupha lhangsap dinga alhen iheuve. "Kathi jong leh Christa lam a hamphatna, kahin jong leh tohga sona" tin athini geijin Pakaija din hinkho amang e.

Sopite, lamkai jouse Pathen lhen vang ahicheh poi. Langkhat a seidin, Pathen deija lamkai te chun Pathen lunggot suh bulhit ding chu alungtup u ahisah tei dingu ahi. Kiloikhomna sunga lamkai ten Pathen agin u angaije. Pengthah lou lamkai ho Satan in amangcha nomjiuvin, alunggel u aguilhung theijipoi. Lamkai ho hat leh hatlou, lolhin leh losapna hi alhangpi'n mipi chung ah akingamji e. Lamkai abang khat te chu Pathen tun ahipoi ti koiman seidoh ngam hih jong leh mipi'n apomnom lou jong aumtheije. I Timothy 3:2-14 sung ivet leh Houbung, Pathen chate kiloikhomna a lamkai ho dinmun kichentah in akimui. Hitobang Ihinjouna neilou ahi henasa sa a lamkaite chun Pathen Houbung vahkhang sanga asuhcheh joh diu chu tijat umtah ahi.

Chunga kipe No.2 na Vacancy (Ong huhna) a pang ho hi adih-

poi tina hilouvin ngaichat ahina dol a amalhinjouna neiho chung ah ima aphamopoi. Amavang No.3 a 'Self-style leadership' kiti vang hi Pathen mite kiloikhomna a pansah lou chu damna pen hinte. Pathen leh mipi deisah hilouva ama thanop man leh hitheina, chuleh bolthemna a lamkai kiti ho hinkho a mudoh thei chu ahileh Pathen natoh chu amachang phatchomna ding ngaitona'n chance alahnom teijiu ahin, kibungkhenna leh kinelnoh phahna atamsah jiuvin ahi.

Chihna leh seithem seh hilouva Pathen lunggot'a lamkai ho het dothheina chu:-

1. "Kelngoi chingpha'n akeln-goite dingin ahinna ape'i" (John 10:1-21), hiche Model hi ajuijuve.

2. Moses bang in amite a ataop-eh jinguve. Lungthim poh keh a Houbung mite dinga mitlhi longa taothei lamkai ahiuve.

3. Amachang phatchomna ding ima agelpouve. Mipi phatsah leh Pathen lungdei ahethemuvin, khantou machalna ding tohgon aneijing theijuve. Neh le don, thusei lasahna, Hou in kaina lam ah mi vetjui theijin aumuve.

Bulhing loutah leh achomlam tah a ahin kisutna a seikhel Pathen leh asim ho'a kon ngaidam kathum e. A simjouse Pathen in phatthei boh cheh ta hen.

# AMASATAH IN AMAGAMLE ACHONPHAT NA HOLMASAO VIN

(Matt.6:33a)

*Mr. Haopu Haokip  
Mission Assistant KBC*

## SERMON

Hiche Bible chang hi hoisel a ivet le Christiante adin thildang holding angaipoi. Lengle lalho/milen milalho/ahiloule thunei vaibol ho lunglhaina hol a chonphat boluvin tina jong ahipoi. Ahin, mihemten Ama atipahi amella muthei khat hile vang achonphatna holmasa jong umthei inte tinjong kaging chai, hinlah atamjohin alim amel akimu loujehin tahsan a achonphatna holdingti hi inomji povin ahi. Hitoh lhon in Abraham hinkho thusim in chomcha gah veohite.

Pathen in Abraham apatep chun: Nagam leiset, nanu napa nainkote jouse dalhan lang keiman kavetsah nagam khu jontan ati. (Gen 12:1) Hiche laitah chun Chaldea gam UR khopi chu anopdan, sumle pai dinmun le neh le chah chule agamsung nopdan moh a dalhah hoi hilou ahi. Hinlah Abraham in ipi akineppi am itile' ajehchu keiman nangma nam lentah a kasimdoh a...namin hi phattheina khat hiding ahi'. V2. Chule

aban in achapa khatseh aneichu Pathenin neihouna ding ahi ahinti kit in ahi (Gen 22:2) phatecha a ingaito a le Pathenin Abraham apatep

na thuchenghi thilbai vang ahipoi jolouding thilngen chang, ahahsa ngen chang ahi. Hijong le Hihojouse chu agel thupipon Pathen lung



lhaina a chonding pale kho-  
nung a ga amuding kinepna  
jallin hahsa lhev henlang/  
thaselhev henlang/lunglal  
lhev henlang/bolda lhev  
jong le Pathen gamle acon-  
phatna holmasat ding anom-  
jo tan ahi.

Matt 6:33b na ivetkit le ipi  
aseijem 'Chuteng hichengse  
jong chu nakipeh beding u  
ahi'. Tulai Christiante atamjo  
hi hiche teni hi agelkah uvin  
alungboi atam lhehtan ahi.  
Ajeh chu Matt 6:33a part hi  
avet ule thasetna/bolnom-  
louna/lunglalna/tahsanlou-  
na aneijiovin ahi, hinlah (b)  
part nalang avetkit jiole atha-  
nom a ipilam pang hile nga-  
plalna neilou mijong akium  
dajipon ahi. Chule ipiding a  
pha theilou/haotheilou/mis-  
ang a nemjo ihiovem itile; Pa-  
then hi phatthei channa ding  
maimai, damtheina ding  
maimai, haotheina ding mai-  
mai, Inchenna ding maimai  
ja houle taona itamjeh hinte  
ti katahsan e. Pathen in eiho  
akon injong thil khatbeh kei-  
ja din bolleh, tongleh tihi aki-  
nepna ahi hichu amagam le  
achonphatna ahi. Pakai taona  
chun ipi asei em? Tuni kane-

hkhop ding Anneh neipeovin  
(Matt 6:11)Tulai mitam tah  
ipilam pang hileh ataoteng le  
amakhang ading, achakhang  
atukhang,atusonkhang gei  
ading a taojong aumdapon  
ahi.Pathen in Abraham ak-  
ouchun imadang gellou  
vin Pathen thu chu atahsan  
in ajujeng leh khonung in  
phattheina lentah achang in  
a Title jong(TAHSAN NA LH-  
INGSET MIPA ,FAITHFUL FA-  
THER) akitin ahi.

Hiche akon a iseinom pen  
uchu Pathenin mihemte  
bolding/tohding anom jong  
apen,ahahjong apen ahi. Hi-  
jeh a chu Amagam ading  
achu hahlhev jong le iholma-  
sat uva le Achonphatna chu  
imuding u ahi.Tahsa Inchen  
lamjeng injong ahahsa bol-  
nomlou pachu a Incheng  
theipon,aninglhing jouji pon  
ahi. Ajeh chu amapa chun  
pot tho ga amuding chu umji  
lou ahi. Eiho Christiante hi  
lhagaolam a mulou tahsan  
ihive, imuthei lou vang uvin  
muthei Pathenho sangsang  
a thil boltheijo ahi. Hiti ahijeh  
chun ingaichat ho imuthei  
nadiuvin amagam le achon-  
phatna holmasao te.

# QUALIFICATION OF PASTOR/MINISTER'S WIFE

( 1 Tim, 3: 1 - 7 )

*Miss Lhingjanem  
Women Secy. KBC*

## **Sermon**

Hiche Text sunga Pastor khat in aneidinga 'GUN' kisei hohi tulaija eiho lah a jong umdinga thil khoh ho chu ahije. Ahideh a Pastor / Minister / Ordained khat inneipi khat in aneilouva khoh tah chu ahitai. Ajeh chu Pastor ahilou le Minister khat chu ainneipi or ainsung mitea kon'a support aumlou leh lolhing jou lou ahin, hichea hi inneipi ten akigel khoh pen ding chu keijong Pastor Ministry a hi involved kahi ahitai tia akigel lhah angaije. Chuti ahijeh chun Christian Minister inneipi khat in aneitei dinga thil khoh ho point phabep veohite.

### 1. MUST BE A BELIEVER: ( Mi pengthah hitei ding )

Lhacha natong khat ji chu mipengthah hitei ding ahi. Ajeh chu Christa a penthah na neilou chun ain neipu a dinga lolhin na apeh jou lou ahi. A inneipu Christian Minister hichun ainneipi jong chun Christian Minister khat kahi tia akigel lhah a ainneipu a dinga supporter phatah ahi angaije. Ainneipu chu itabangin hat jungle atipum lang khat in tha apeh lou leh ainneipu chu hat jou thei lou ding ahi.

### 2. CLEAN HEART : ( Mi lungtheng hiding )

- \* Pastor khat inneipi ding chu mi lungtheng hiding angaije.
- \* Thudih deimi, Sihnei langnei na neilou hi ding.
- \* Insah inlhangtoh kicham della umthei mi hiding.

### 3. HOSPITALITY : ( Jindot them )

- \* Pastor khat jiding chu khoto na nei mi hepi them hi angaije.
- \* Ainneipu holla hungho chu pohgih potah, lungdong tah jong hung umthei ahi.
- \* Pastorpa kimuto pi dinga hungho lamdot them a lunglhai sella vailhun sah thei, vaikon doh sah thei mi ahi angaije.

### 4. MAINTAINING SECRECY : ( Lungguh seinai thei )

- \* Min atahsan thei mi, kineppi thei mi hiding.
- \* Midang boina sulham thei mi hiding,
- \* Min atahsan thei le, alungthim thuguh, aboina nale akipa na aseidoh theina hiding.

# 5. MUST NOT BE GREEDY : (Neipop kilose )

- \* Sumle paija kilose behseh, neipop behseh hilou ding.
- \* Pathen sanga sum ngailu mi hilou ding.
- \* Alam louva sumkolvei mi hilou ding.
- \* Pathen thil theng Hopsom, Maicham chuleh thilpeh lam'a kitup taha mihong phal hiding.

# 6. INDUSTRIOUS : ( Natoh them, gunchu thase lou )

- \* Pastor ji chu thaselou, natong hat hiding.
- \* Natong hat kiti hi Pathen deijong hi ahi.
- \* Gun chutah mi, tomngaina nei mi, Houbung mite dinga ki hilna thei hi angaije. (Prov,31:17-18)

# 7. THANKFUL & UNDERSTANDING: (Kipaje hemi, thil hethem )

- \* Midang kipapi thei mi hiding.
- \* Ama them mona kihet thei mi hiding.
- \* Mi kiletsah, hilou ding.
- \* Ama set na sanga mi setna mu mi hilou ding.

# 8. PRAYERFUL : ( Tao jing mi )

- \* Chunga kisei ho jouse jothei na dinga chu taona angaije.
- \* Taona a Pathen bonthei mi hiding.
- \* Taonan thil jouse akikhel sah theije ti hethe mi hiding.
- \* Taona manglou Christian Minister khat inneipi chun "GA' aneilou ding ahi ti he mi hiding.

# 9. CONVINCING POWER: ( Midang thunun jou thei )

- \* Onem a gol hoi thei hiding.
- \* Aselam a kon'a aphalam a mi puithei.
- \* Mihoi them phatna a mi thunun jou.
- \* Ama hinkho a mi kihil na thei, midangin a juithei hiding.

# 10. ADJUSTABLE : ( Apat toh kitoh a thil heitoh thei )

- \* Mi jouse toh kihouthei hiding.
- \* Thet neilou, deitum, lhentum nei hilou ding.
- \* Apat dungjuja thil heitoh thei hiding.
- \* Apat le amun dungjuja thusei dan, lasah dan, phat kihet them hiding.
- \* Kholai lenghat, mi inn a sottah tah tou mi hilou ding.
- \* Mithil alah ho aphatcha alepeh thei hiding.
- \* Bat le tham khohsah lou mi hilou ding.

# How do you explain An Educated Person?

Continue, April issue-What is Education?

## Sermon

12. With the development of society; education has taken many shapes, such as child education, adult education, technical education, health education, physical education and so on. The other broad classification could be:

13. Meaning and Types of Education

14. Meaning: Education is the process of bringing desirable change into the behavior of human beings. It can also be defined as the "Process of imparting or acquiring knowledge or habits through instruction or study". The behavioral changes must be directed towards a desirable end. They should be acceptable socially, culturally and comically and result in a change in knowledge, skill, attitude and understanding.

With the development of society; education has taken many shapes, such as child education, adult education, technical education, health education, physical education and so on. The other broad classification could be:

### Definition of Education

The definition of education guiding mainstream schools today is

that education is the delivery of knowledge, skills, and information from teachers to students.

While the above metaphor—education as a delivery system—sounds reasonable, it misses what is most important about education. This mistaken idea of what true education is and how it can be achieved is the root problem in mainstream education today.

This conception of education contributes to harming students and teachers by driving policy makers to insist on accounting for the "units" of information that students demonstrate knowledge of on tests.

The perceived need for mass scale standardized outcomes leads to a kind of instructional bookkeeping that drives administrators to control teachers' behavior, which in turn is directed to controlling students' behavior in ways that increases symptoms of anxiety, depression, and other forms of diminished psychological well-being. Student outcomes as measured by tests bear little relationship to true education, and so the instructional

book keeping scheme is a failure even before the harm it causes is taken into consideration.

Education is a misunderstood term. It is often confused with related concepts such as knowledge and school. Education sometimes happens at school (and sometimes doesn't), and knowledge can be a sign of an education, but neither are education itself. Simply put, education is the willingness and ability to learn for the sake of learning. The truly educated person learns constantly without supervision or external reward. To truly define what education is, we must first look at what it is not.

People generally think of school when education is brought up. School can be more than learning skills, memorizing facts, and putting them down on paper hoping to be rewarded with a good grade. The intended purpose of school is to teach students to think critically, which is something it often accomplishes. However, school is not education itself; it is a medium for students to reach their goal of being educated. School traditionally attempts to do this by setting up a course of external rewards for students to attain, each supposedly bringing the student closer to being truly educated. College is seen as the final goal for high school students.

College represents the ultimate form of education, and graduating from college is when people are certified as educated. It is not that simple. After college, an infinite amount of learning can be accomplished. School is like a trail to follow in a deep forest, giving students a taste of knowledge. However, to truly learn, people have to do it themselves. Educated people should develop a habit of constant learning without structure and reward.

An educated person in some people's eyes is someone who knows a lot, someone who has retained a large amount of information, someone who can state facts without having to look them up. Broad knowledge can be valuable, but this is not an educated person. This is a knowledgeable person. To be educated is not about how much someone knows. It is about how someone can use what that person knows to enhance their learning experience. Knowing all the facts in the world won't make a person educated unless that person can use those ideas for the sake of gaining more knowledge. On the other hand if someone is full of ideas but lacks the knowledge to put them to use, their creativity is void. It takes both creativity and knowledge to make a truly educated person.

Being an educated person is to

view the world as your playground. It is to think with an open mind and to never be limited to what one has been taught as truth. It is to blur the line between work and play and to learn not just because one is told to. An educated person is someone who learns for fun and

recognizes that there is no end to learning, no final certification. This skill could have been gained through any number of means, but when someone has it, it is apparent. Any person can become educated; it simply takes the will to learn for the sake of learning and living.

## ***Mission Column***

### **HOUBUNG HO CHUNGA KIPA THUSEI**

Pathen in KBC Mission natoh phatthei aboh jingin tuni chanin boina um lou vin tohle tham le Pathen thuhil na lama amachal jing in ahi. Hitabang natoh hi taona toh thoa sumle pai senga kitong jing ahin kumsunga lutding budget kigong jong nahin gelkhoh un tuni chanin alut hoijing nai. Houbung mite mission natoh gelkhohna jallin Missionary ho le Evangelist ho lhalo jong aphot pahtchan akipe doh jing in hijal hin Pathen ithang vah uve. Lhagao mangding holdoh nadinga pan la ihi nao to lhonin tukum January apat April lhakichai chanin mi 12 tahsan Tuilut mission field a akibol peh in chule Christian tracks 843 akihom doh in chule tahsan cha mi 13 jong akiben ahi.

Natoh nalam panga Amrajan Hostel akisapan in Pathen in pha asah le tukum sunga jotheng tei ding toh gon akinei je. Chakpi Molbem Mission Centre a jong Missionary Quarter akisa panin chule Taona moul a jong mi 300/400 dolding Chapel hall sahpat ding toh gon akinei tan ahi.

Hitabang machalna kinei ho jouse hi houbung mipi te taona jal leh hongphal taha kipeh thengna jalla kinei ahi. Lhaseh a sumle pai tohkhom dinga Mission share ikihop uva ihin peh khom jalluva bou hung lolhing thei ahi. Hijeh chun hichan lolhina eihin peo Pa Pathen ithang vah jing laiun tomngaitah a sumlepai chule Taona a pan hinla jing houbung ho jouse chung a kipa thu ahung kiphonge.



## INDIVIDUAL SPONSORE HO CHUNGA KIPA THUSEI

Convention houbung hon thanom taha Mission natoh na a pan ilah khomjing uva lolhina jong Pathen jalla tampi ihin neijing lai un changvalla jong mission natoh nadia lung lut tah le kipah tah a pan hin lajing houbung mi phabep ineiun ahi. Amaho hin Lhaseh in pontho tah in akitepnao sumle pai ahin pejing un chule insung taona a jong missionary ho le Evangelist ho ahingel doh jingun achung uva kipa thusei louthei ihi pouvin ahileh Mission Office akon kipa thu seijou lou ahung kiphong e.

Pathen in pan pi jing un tin, athil peha kipah a machalna le lolhina neijing te, Inchen louchen khangtouva cham le lungmonga kivaihom te, khonung le mipi hetthei le kingainathei inchen semdoha, nampumpi phatthei channa hung konna inchen semdoh te, Lhagaolama lungmonga Pathen tonsot lengama dia kipah jing inchen semdoh te hung hijing taohen.

Tunichana kitah taha mission share hin pe houbung ho jouse chung a Mission office a kon kipa thu ahung kisei je.

## INDIA MISSION ASSOCIATION & VISION 5:9 CONCLAVE KOLKATA.

Achesa nisim 9-11 April 2018 sung chun kum phabep partnership a ahin toh khom piu Indian Mission Association (IMA) le VISION 5:9 te kitho khoma kibol Conclave Kolkata muna KBC Mission in jong partner khat hinan pan agakilan ahi.



Vision 5:9 kiti hi vannoi pumpi Muslim ho laha Pathen natoh na Mission Organization khat ahi. Hiche conclave thupi ahileh

“Synergised Witness” akitin mi 60 in kikhopkhomna lungel seikhom na akinei jin ahi. Hiche conclavehin atuple adoi chu Muslim ho laha Pathen natoh machal sah ding ti ahi.

Hiche kihou limna a chun India gamsunga Christian organization ahilouleh houbung hon missionary isol tengu Hindu hole houdang dangho koma bou solding lung igong jiuvin India pumpia population a hindu te bantah a tam Muslimte laha Pathen Thuhing seiphong ding hi ihagel khoh pouve tin lungel seikhom na akinei jin, tua pata Muslim khosung le chenna lam ngat ta dingin kiphat sah na ahung kinei jin ahi. (Hindu=74.33%, Muslims=14.20%, Christian= 5.84%, Sikh= 1.86%, Ethmoreligionist= 1.35%, Budhist=0.82%, Non-religious= 0.48%, Others= 0.47%).

Pathen in damselin eipuijingun tin KBC Mission injong ichen khompiu Muslim ho laha Pathen na tong din taona to thon kigotna ilungthim cheh uva ananeitao hite.

## TAONAN GELDOH JING UTE.

1. Loitang Leikinthabi Houbung mite laha buoina neoneo aumjing in, Houbung mipiten lungkitoh taha Pathen ahoukhom thei jing nadiuvin taokop uHITE.
2. Keibi Kamuda, tua Pastor A.Sen vetsuina noija um u ahin, Houbuh neokhat tundoh ding tohgon ahin, taokop uHITE.
3. Mr.Hemanta Family, April lhasung a Baptize changdio ahijeh in aboilou nadin taokop uHITE.
4. Sirou Nepali field adinga Houinn le Missionary Quarter kisah jing lai ahin aphot cha joa aumnadin taokop u hite.
5. Amrajan Mission Centre Assam a Hostel kisah jing lai ahin aphot cha jothenga aumthei nadin itaonao vah geldoh u hite.
6. Muntin a Missionary ho akon a thulhut kimu chu, Mission Field chomchom akon in tahsan thah Baptize chang aumjing e ti thu akimun, I Pathen natoh nao amachal jing nadin taopih jing u hite.
7. South East Asia (SEA) a KBC Missionary hon agam pao ajillai tah u ahin, ahettei nadiuvin taokop jing uHITE.

## Persecution in India

India gama Christian te kibol genthei na amachal jing in ahi. Hiche hi Hindu Nationalist ho lamkai na noiya kivai homna ahung hatdoh jal ahi. Christian te Kisuhgenthei na kholho thuphon dungjujin 2017 chu kum 10 sunga India sung Christian te kisuh genthei na sanpen kum ahi atiue. Hiche hi 2007 le 2008 kum Christian mi 100 val anakitha a chule asanga sim ainn alou kisuh mangpeh jou kisuh genthei na kum to tekah ahi. Genthei na toh jat hung kipehi dihchet lou ding ahi ajeh chu mipi le Polioce kichat jalla thilsoh report bol bngamlou Christian tampi um jing ahi.

India gama Tamil Nadu hi Christian kisuhgenthei na tamto pen ahin 2017 kumsunga chun mihem case 52 police record akibole, Uttar Pradesh akon 50 case report ahin Chhattisgarh akon 43 case report ahi, Madhya Pradesh akon 36 record ahin Maharashtra akon 38 case Christian kisuhgenthei na report anakibol in ahi.

Tamil Nadu tilou adang state hohi Hindu nationalist ho Bharatia Nationalist Party ho direct or indirectly gam vaihomna state ahi. Hiche kisuhgenthei na hi ningkum Good Friday phat laile Christmas lai jin atamdeh in ahi. April lhaseh sheh in case 54 aumin Christmass lha ain 40 christian kisuhgenthei na case report akibol in ahi.

Hitabanga Christian te kisuhgenthei na thilsoh akhanjing lai hin India North East gamlang kai Christian state ho Maghalaya le Nagaland pannan Government kivaihom na tuhding tohgon achelha jing in tudinmun a hi amachal jing uleh nikhat leh Hindu Fundamentalist ho vaihom na noiya North East lampanga Christian state sejong hung um thei din akilang in ahi.

Persecution around the world.

### 1. Pastor Andrew Brunson:

Amahi Pathen thujalla jail a kihen ahi. Jail a kihen na chung thukholna achelha jingin ahi. Amahi Aliaga khopi Turkey gama jail a lha 18 kihena ahitan tua hi achung thu hung kikhoh bep ahi. Aman aseina a "keima eikingoh na jouse hi kanom poi, danpalkeh in keiman imacha na katong poi, hitabang danpal keh ho to chun imacha kisam kaina kanei poi, Keima Christian pastor khat kahi. Islamic kiphin naa kapang poi, Amaho tuple doito keima tuple doi akibang poi, Turkey gam kivaihomna dounan keiman ima cha ka-

bol khapoi,Turkey gam kangailun hiche gama dinga hi kum 25 hung taova kahitai,Thudih a kachung thu neitan peh diu kanom e"atin akihon na aphondoh in ahi.Turkey gamhi vannoi leisetna Christian kisuh genthei na gam 50 laha 31 na a pang ahi.Amale ainsung miten kum 23 sung houbung neocha khat ahinvetsui uva pathen na ahin toh u ahi.Akiheh na hi ahin joa chamlentah a Pa then na ahintoh kit thei nadin taonan geldoh jing u higte.

## 2.Nigeria:

Hiche gamsunga hin Fulani Muslim thingnoi mihon Christian te nasatah in asugenthei jing un ahi.Mihem chenna khosung tam-pi meijin ahallhaovin,houinn ho jong asulhu vin ahi.Kumkhat sungin Christian 100 val akithat in kho 50 val akisumang in,pasal ho akisugenthei jin chule melsa tah in akithat in ahi.Numei hole chapang ho ngailutna beihellin akikaimangin chule akisusen,that jong akithat in ahi.The Sangai Express,Thursday 26 April 2018 ni thuso in asei na achun Gancha chinga kivah Semi nomedic miho chun houinn khat abulu un amuna mi 16 atthat un hiche athiho laha chun Christian houlamkai ni apang e atin ahi.Chendetna jong neilou gancha ching a kivah mithat hohi Fulani mi Muslim jeng ahivu.chule amahon athaova asuhgenthei u mite chu chendetna nei ja khosa Christian ho hiuva ahi.Ahin Boko Haram thingnoi ho natoh to banglouvin Fulani Thingnoi ho natoh na hi vanoi hetin imacha akiso doh pon ahi.

# Christian te kisuhgenthei na pen gam 10 ho

***Vanoi leisetna Christian te kisuhgenthei na pen gam 10 ho anoija hin ahung kitah lange, Pathen henga taonan geldoh jingu hite.***

1. North Korea-Christian hole Christian missionary ho hi akihetdoh leh Natoh hahsopen tongding a Jail a kikoi jeng ahi.
2. Afghanistan-Muslim gamvaipo hohin agamsunga cheng Christian ho hi koimacha Christian ahi tia hetpeh na apeh lou uahi.
3. Somalia- Mogadishu a Catholic Bishop khat seidan in hiche gama hi Christian hichu pum hi a hithei jeng lou ahi.
4. Sudan-Hiche gamvaipo hohin Christian houinn jouse suhchim din thulhuh anei un ahi.

5. Pakistan-Hiche gama hin Christian ho le houdang dangho Alah Pathen taitom ahiuve tia ngoh na changa achungthu kikhoh ngah jing ahiouve.
6. Eritrea-Hiche gama hi Hou jat li bou recognized kibol ahi (Sunny Islam and the Eritrean Orthodox,Roman Catholic,chule Evangelical Lutharan churches)Houdang ho chu kisugenthei jing a hiche houa pang Muslim hilou ho chu aphot sheh a anatoh u kikhoh jing ahi.
7. Libya-Government in Christian ho suhgenthei nadinga khangdong ho training aphot u ahi.
8. Iraq-ISIS hon anadoh jou uva Iraq Christian ho hung kinung lethei lou lai/lengam loulai ahiuve.
9. Yemen-Tulai taha kivaihom na abojing hin Christian te genthei na lentah asosah in atahsan nao lhangphong taha pohdoh ding phal ahipon ahi.
10. Iran-Hiche gama hin Christian keo hilou vin Islam hilou houdang dang in jong genthei na atoh un acham len pouvin ahi.

## **FMPB PARTNERSHIP CONSULTATION (shilong)**

Achesa Dt,10-11 April lhachun Friends Missionary Prayer Band (FMPB) makaina noijah Partnership Consultation Shillong Khopi ah ahin gong uvin hiachun KBC Mission Department thalheng in Mr.Haopu Haokip Mission Assistant KBC le Rev Jeteen Gajmer agapang hon in Pathen mapuina jalin damsel in kinte ho ahinchai hon a boina umlouva ahung kile kit hon na chung kipa thu kahinseije

Hiche meeting ahchun North East State 7 tabang in Present ahung bollin mihem chu 90 tabang Delegate ahi.Hiche kikhopna a kiha-sei pen chu "Itilamdol a FMPB in Pathen natohna a maban a pan ilahphat kitdio ham?Chule 21st Century ahitoh lhonna Partnership hojouse to hin Pathen natoh na a pan iti ilahkhom thei ding u ham? BJP/RSS Government in Christianteoudal na a tohgon anei houhi ipi lampang a pan ilahdioham?" tihohi akiha seipen e.Chule 2019 tengleh Pathen in pha asah a le North East gamsunga FMPB noija Partnership jousetoh Missionary Conference Guwahati/Shillong hiteni khat johsang sang a umding in akiseilhan,alohin thei nading in itaonao vah kopjing uhte.

# Cambodia Mission Field Update

Amasan houbungmite ho jouse kajanale Kangailutnao salam kahinpei.

July 5.2017 chun Cambodia kanalhungkit tan ahi. Pathenpui-hoinajallehnanghotaopehnajalinPathenlenggam a itohnao-abankajomtheikit in ahi.



Cambodia hi alhangpi a (children/youth ministry) chapangte le khangthahtelah a Pathenthukiseiphongahin, Pathenlungset in tuchaninakimachaljingin ahi.

Thinglhangkhoho a chapangte hi Sunday school akikaipin Pathen thua kihilin chuleh khopi (city) mun a khangdong jil-lai ho (university students) ho Pathen thu akihiljin ahi.

Thinglhangkhoni(2) hichukarangthom le Prohekkitikhoteni a hinPathenniyingkah le nilhangkai a chapanghokakikhoppijin ahi.

Khopi(city) sungakhangthahte (university students) jillaiho-numei mi get(8) hi Pathenthua a akiboipinakivekol in ahi. Amaholah a mini(2) hi kichehtah in PathenatahsanhontanPa-thenthangvah in umhen.

Houbungmiteho Cambodia mite a dingainataojingbanguntulemaban a jongtaojomjinguhite.

Keimajongtuletu a hi agampao le ajemkajillaitahahin, lung-

tup hi adeh a amahopao a Pathenthubible simtheiteidile Pathenthuseitheidi ding tihiahin, hijehchunkangailuthoubung-miteho keima tahjong kadamtheinadi le agampao kahetbai a kathovah theinadin neihin taopeh jingun. Kakipah e.

Pathenin KBC phatthei bohjing taken.

KEIMA

Lhingneikim @NeoshiHaokip

## 38th MBC ANNUAL ASSEMBLY LOLHING TAHA KICHAITAI



38th MBC Annual Assembly chu Rev Dr Hawlingam Haokip President hina le Rev Dr W. Konghar General Secretary hinan melom tah in Katomai Baptist Church Senapati muna anakichaitai. 20-23 April sunga chelha MBC Assembly chu MBC Thusim a dia mitam na pen ahi akiti. Hia chun Association 29 lahin 28 present ahin delegate jong mi 147 ahung kikhom jouvin ahi. Hiche Assembly a kiha seipen le kiboipi pen Agenda chu ETNBA LE NTNBA (Tangkhul cheh cheh) MBC Affiliation peh ding le peh louding thu anahi. Affiliation chung chang a kidang tah khat chu KBC in MBC dahlhah tei ding tin kum tampi ihin boipiuvn langkhat a Tangkhul tenvang Association ni TNBA le STNBA a alutu jong ahomthouvin chung a kipe Association ni hi lutbe sah ding ti tohgon anei un ahi. Hiche hi ahung hithei le MBC a Tangkhul te hi association 4 a chanvou chang ding ahiuve. Seilhah na chet aumjou tahlou jehin kumni joule amaho kaha kilungtoh taha ahunglut khom thei lou uleh MBC Assembly th-aneina a discussion umtalouva Assembly power a seichai ding tin kiphat sah na akinei tan ahi.

Aban 2018 MBC Council cum Annual Assembly hi STNBA in alah ding ahin chule 2019 khu Kuki Baptist Convention (KBC) deisah na anei un ahi.

Katomai houbung hi inn 82 bou ahiuvin hinlah Assembly host abol danuchu tuchana MBC Assembly hung kibol na a organized kibol hoina penle anle tui ahoina pen hidan in akisei je.

Hitabang Manipur sunga Baptist te kiloikhomna a alenpen MBC sunga Affiliated member khat hidinghi miten kiletsah nale kithang at nan aneiun eiho lah dan to vang akibang hih beh e.

Pathen in Manipur Baptist Convention phatthei boh jingin tin tunung jong leh machal na le khantou na pejing taken.

## Women Column

### Gambih No.13 Nute

#### Oneday Seminar le Oneday Fasting

Achesa nisim 27th April, 2018 Friday nikho hin KBC Officea konin Women Work Committee ho Gambih No.13 Nute Oneday Seminar le Oneday Fasting Programme a kimangcha dingin S. Lamphei Baptist Church kana jonun, Pathen lungset in Gambih sunga minu 72 ahung kikhom doh un, nilhah in mipi kaikhom na a Pi Hekim Khongsai, President Women Department, KBC in Pathen thua Houlimna "Christian insunga minute mopohna" ti thupi mangchan tilkhouna ngeitah aneiin, Khangbarol Nute a konin Pathen vahchoina la ngeitah akingai lhan kipah tah in kaikhom na masapen chu akichaijin, Ajing 29th April, 2018 Saturday jingkah Devotion Pastor Khupjoyful Singson, Gambih Pastor in ala in, Seminar Class, Session Ina: Miss Anem Haokip Women Secy, in alan Topic: "Pathen in Numei asem lona" paper present jong abol in, Session II na: Pi Hatneilam Haokip in alan, Topic: "Insunga Nuten pate chung a mopohna" ti thupia konin ngai nom umtah nute tilkhouna aneiin, ama hinkho a athil to hoa kona Pathen abot naho a konin mipin jong aphot chompi ding kinap aume. Session III na: Pi Hatkhochin Haokio Topic: "Chate chung a Nute mopohna" ti Paper present jong abol in, nuten chate chung a mopohna aletdan gil tah in hilchetna le tilkhouna aneiin, delegate ho jong akipah lheh uve. Saturday nilhah kaikhom a Women Sec-



retary in Pathen thua houlimna aneiijn, ajing Sunday jingkah 06:00am - 12:00 noon sunghin Gambih Pastor le Work Committee ho lamkai na in Anngol taona akinneiijn, Programme kichaiijn Houbung miten mipi ankong eisempeh un, Pathenin Lamphei Houbung mite phat thei boh cheh tao hen. Tuchung programme a Gambih lamkai ho le Pastor pa chule mipi te chung a Convention Department thalhengin kipa thu ahung kiseije. Pathenin malam a jong kilung khatna pejing tao hen.

## **Kipapina thuphon**

Tuchung Young Pillars College a XI Arts le Sceince ho jouse lah a Lydia Girl's Boarding a um Miss Chochong le Miss Themmi hi Rank 1 na in ahung cheh Ihonin achung Ihon a kipa thu akiseije. Pathenin maban a jong Lydia Girl's Boarding a um Student ho jouse le mopohna nei ho phat thei boh jing tao hen, amaho jallin Pathen thangvah aume.



Pathen in thangvahna peuhite. Tuchung Cl.xii exam result a hung kiphon tohlhon in LYDIA GIRLS BOARDING a um naote mili in anabol ahin abonchaovin 1st Division amucheh un Thethem Sc. 70.3 %, Pichong Arts. 72.4%, Joujam Arts. 73.3%. Kimnu Sc. 60.5 ahinmu uve. Pathen loupihen. Chule amahochengjongmailam a Pathen in a phatthei natoh Ihonpi jingtahen.

by Vahboi Baite, Warden Lydia Resources Centre

## **Lydia Nikho thua Hetsah**

Muntin a Houbung mithengte hetsah le tiemna chu tu ahung lhung ding May 27, Sunday nikho hi Lydia Centre dinga taona nikho ahin, tukum hi Programme atum a hung kisem lou ding ahitah jeh in lungset tah in Houbung mite hon nangma nangma Houbung in ahina thei dan dan a nana man tah diuvn hetsah le tiemna ahung kineije. Anoiya hin anikho a dinga taona a geldoh dingho ahung kipe e.

### **Tao na geldoh ding:**

1. Lydia Girl's Boarding a Student hole Warden le Cook a ding.
2. Lydia Ponkhon Training bol ho le Supervisor nu le Instructor nu a ding.
3. Lydia Sponsore Body ho Tata Trust Mumbai te le Prescilla Centre Gauwahati te a ding
4. Lydia Buiding thah akisah doh jou thei na ding.

*Lhingjanem Haokip, Women Secretary, KBC*

## **Youth Column**

## **YOUTH LEADERS' MEET**

Nisim 1, May 20-18, Tuesday nikho'n KBC Centre Church, New Lambulane, Gambih 1 mun'ah Youth Leaders' Meet anakiboldoh tan ahi. Hiche kingon'a chun Rev. Dr. Thongkhosei Haokip, General Secretary, Kuki Baptist Convention, in phat lhandoh nale Youth ho tilkhouna ananeijin ahi. Hiche kin a chun kilom tah in Pastor Onkho Haokip in jong phatmun achan alo to lhon in kin'ah apang lhungkeijin ahi. Chuban in Ng. Lhingboi Baite le Gl. Paoneo Vaiphei a kon in jong Pathen vahchoila ngeitah ana kingaijin ahi. Kin kichaijin mipin Ngailut Ankong akisohkhom in ahi.

Hiche kin a chun Gambih hihen lang houbung hoa hijongleh lamkai cheng kouna akinei toh lhon in nai hen gamla jon-

gleh pontho tahle tomngai tah in youth lamkai tampin pan ahunglan ahi. Hito lhon chun anoija hin gambih gambih ahungpangho veuhite.

Gambih 1 Mi 19

Gambih 2 Mi 10

Gambih 3 Mi 8

Gambih 4 Mi 15

Gambih 5 Mi 7

Gambih 6 Mi 10

Gambih 7 Mi 6

Gambih 8 Mi 14

Gambih 9 Mi 36

Gambih 10 Mi 2

Gambih 11 Mi 9

Gambih 12 Mi 6

Gambih 13 Mi Hunglou

Gambih 14 Mi Hunglou

Gambih 15 Mi 8

Gambih 16 Mi 2

Gambih 17 Mi 2

Gambih 18 Mi Hunglou

Gambih 19 Mi 6

Gambih 20 Mi 3

Agom'a Mi 163

## Kipa Thuphon:

1. Youth Leaders' Meet kingon a panmun lo'ah, Rev. Dr. Thongkhosei, Pastor Onkho, Ng. Lhingboi Baite, Gl. Paoneo Vaiphei chung a kipa thu akiphonge.
2. Gambih a Youth Lamkai, Centre Church a Youth Lamkai le Local Houbung hoa Youth Lamkai ho jouse chung a jong kipa thu akiphonge.
3. Akinganse banga Gambih a Youth Lamkai hon topic ikipeh cheng u phatah a naseinau chung a jong kipa thu akiphingin ahi.
4. Centre Church New lambulane a Youth hon imajouse kisuhtah a atohnau chung a kipa thu akiphingin ahi.
5. Nehle chah hinsem, hin hon'a konglebel phatah a ei-suhtheng peh hou chung a jong kipa thu akiphonge.
6. KBC Centre Church New Lambulane in jong hiche kingon a dia Houbung mun eiphalpeh nau chung a jong kipa thu akiphoning in ahi.
7. Gl. Lalcha Haokip, Gambih 1 Youth Secretary le Convention YWC member in jong cha eipohdoh peh nau chung a jong kipa thu akiphonge.

## Education Column

### HOUBUNG HO HENGA HETSAH

Pakai lenggam'a tohkhompi Houbung lamkai te le KBC Worker ho cheng heng'a geldohsah nom le avel'a taona nom chu; Mopohna ikihop dungjujun tohgon akineicheh in, koi Dept. or Committee a hijong leh ibonchaova itohkhom cheh u ahina ban'ah ibonchauva dinga phatchomna dinga igon u ahin, tohkhompi loikhat ten igelkhel jiuvin, aphoto l'eh e. Tukum a din jong Pathen phat thei bohna chang Houbung kum tohphon a Rs 50 thousand chunglam mujou ten themkhat beh Tithes remittance share Edn. board in ahingon hi pehdoh tei igondiuvon Pakai min in kahintemuve. Nangho Houbung a kon share akimulou leh Budget/tohgon hi losam ding ahitai ti sumil poute. Alolhin leh nangma panna ahin, alosam khah leh nang jeh ahi tia ilah tailou gelding dang umlou ahimaije. Houbunga lekhatot mujousen khohsahna neija aphot hom'a ihinthah cheh dingun Pakai min in kahin temuve.

## 2018 Class XII pachanna sang kipapina

**Rev. Dr. Letkhothang Haokip, Principal MTC chapa *Mr. Thangkhocho* Joyson Haokip 16th Rank ahimu in, Chulehn *Emmy Nenggaie* Haokip apa D. Letjathang Haokip, Centre Church, New Lambulane Imphal in Alt. English a Highest Mark 97/100 Score ahin mu kipapina ahung kineiye.**

KUKI BAPTIST CONVENTION

# Literary Meet - 2018

## Thua Hetsahna

Pakai lengpi leiya tohkhompi Pastor ho, gambih lamkai ho le houbung lamkai ho jouse, Pakaiya ngailutna salam kahinpeuve!

65th KBC General Assembly Resolution No. 11:65:2018: Literature and Publication Recommendations No. 4 Literary Meet - 2018 tia 2018 kum a jong Convention Literary Meet mankit ding thu General Assembly a Approved anahi dungjuiyin Literary Meet - 2018 Organize bolding dan thua 27/03/2018 nikho in Literature & Publication Committee Meeting anakineiyin, Meeting a kiphatsahna dungjuiyin Literary Meet - 2018 manding dan thu anoia hin hetsahna ahung kipe in ahi.

|            |                                                          |
|------------|----------------------------------------------------------|
| Amun       | : Centre Church, New Lambulane,<br>Imphal, KBC Gb. No. 1 |
| Anikho     | : 19th August, 2018 (Sunday)                             |
| Aphat sung | : 10:00 am to 2:30 pm                                    |

## Competition Items

1. Quiz Competition: Quiz Competition a hi Senior 2 class le Pilhing class ho pang thei ding, 2018 Sunday School simmun bua kon a: Senior 2 simmun 1 to 20 sung le Pilhing simmun 1 to 20 sunga kon a kidong ding ahi.
2. Choreography: Choreography Competition a hi Junior 1 to Senior 2 class hoa kon a alhomen a mi 6, atampen a mi 10 pang thei ding ahi. Choreography hi Gospel la bou hiding (Pu la pa la/nam la/gamngai la Etc ho hilou ding), ala hi eipao la bou hiding (English le pao dang laho hilouding). Von(Dress) hi nih tong bet but behseh hilouding, al to toh a vet hoi/vet lom dom hiding.
3. Painting: Painting Competition a hi Junior 1 to Intermediate 3 class ho pang thei ding ahi. Painting Competition Topic ding hi thum: (i) Stewardship of Creation (2) War and Peace

(3) Character Formation akigongin, anikho (19th August, 2018) nile Competitors hon Lottery System a akilah doh pen pen u Paint aboldiu ahi.

4. Essay Writing: Essay Writing hi Senior 1, Senior 2 le Pilhing class hoa kon a apangnom chan pangthei ding. Topic hi anikho nile apet a kipeh ding ahi.
5. Poetry Writing: Poetry Writing hi Intermediate 1 to Senior 2 class hoa kon a apang nom chan pang thei ding. Poetry hi Writen Competition a Top 3 kilhengdoh ding, amaho chun anipi nile Script ahin kichoi cheh uva Judge ho kom a apehlut diu, anipi nile vet louva asimdiu, asim nauva Mark amujat ule Writen a Mark amujat u kigomkhom ding chea kon a chu athah a First, Second, Third kilhengdoh kit ding ahi.
6. Sunday School Idol: 2018 Sunday School Idol (solo competition) a hi Intermediate 1 to Senior 2 class ho pang thei diu ahi. La hi Gospel la bou hiding, eipao la hiding ahi.

## **Competition Organize Bolding Dan**

1. Convention Level Competition Item (Convention pumpia kitetna) ho hi anipi ni (19th August, 2018) le Centre Church, New Lambulane mum a 10:00 am to 2:30 pm sunga kibolding ahi.
2. Quiz, Choreography, Painting, chule Sunday School Idol competition Item ho hi chung a kipe anipi nikho masanga gambih jousen, gambih Pastor le gambih lamkaiho lamkaina a ama ama gambih a ahinbol doh masat diu ahi.
3. Quiz Competition a hi houbung khat a Senior class a mi 3, pilhing Class a mi 3 cheh in pan alah ding, gambih Level Competition a athempen/asangpen Group chu Convention Level Competition a dinga gambih min a ahinsol diu ahi.
4. Choreography Competition hi gambih Level a houbung khat a Group khat pang ding, gambih Level kitetna a athempen/asangpen Group ho chu Convention Level kitetna a dinga gambih min a ahinsol diu ahi.
5. Painting le Sunday School Idol a hi houbung khat a mi khat khat bou pang thei ding, hiche Item tenia gambih Level kitetna a athempen/asangpen teni chu Convention Level kitetna a pangdinga gambih min a ahinsol diu ahi.

6. Essay Writing le Poetry Writing Competition teni hi gambih Level a Competition umlou ding, chung a kipe apang thei ding (Essay a Senior 1, Senior 2 le pilhing Class; Poetry a Intermediate 1 to Senior 2 Class) hoa kon a apang nom jousen angeipen a 2018 July Iha kichai masanga Literature Secretary kom a min ahin kipeh lut diu ahi.

7. 2018 Sunday School Idol hi Convention Literary Meet (19th August, 2018) nikho masang (First Week of August, 2018) sunga mun khat (Imphal) a Screening (First Round) Competition kibolding, hichea kon a Top 5 kolhengdoh ding, hiche Top 5 ho chu anipi nile Final Round chelha ding ahi.

Idol Screening (First Round) nikho le hin Essay le Poetry Writing Competition jong Conduct kibol ding ahitai. Poetry Writing Top 3 hochun anipi nile Script ahin kichoiyuva Judge ho koma apeh lutdiu, vetlouva asimdiu, Written le Reading kigom a Markisuto ding, hichea kona chu First, Second, Third kilhengdoh ding ahi.

## Prize

1. Group (Quiz & Choreography) : First - Rs. 5000/-, Second - Rs. 4000/-, Third - Rs. 3000/- (with certificate)
2. Consolation Prize for Participants of group items - Rs. 1000/- each (with certificate).
3. Individual (Essay, Poetry, Painting, Idol) : First - Rs. 3000/-, Second - Rs. 2500/-, Third - Rs. 2000/- (With Certificate)

Houbung jouse le gambih jouse thanom tah le ponho tah a Organize bol a pan anala cheh din taona le temna ahung kineiyeh. Gambih Level a Organize bolmona hel beh seh aumkhah tah jongle apang thei thei ho gambih min a ihin pansah jeng theiyu ahi.

Copy to:

1. Gambih Pastor (Gambih lamkaiho to kithoa Organize anaboldia temna)
2. Gambih Chairman (Gambih Pastor le Secretary in Organize anaboldia temna)
3. Gambih Secretary (Gambih Pastor le Chairman in Organize anaboldia temna)

Pakaiya natohkhompiu

(Pr. PAOKHOHAO HAAKIP)

Secretary, Literature & Publication, Kuki Baptist Convention

## Finance Column

FINANCE DEPARTMENT'A KON'A

# HETSAH

1. Christa lenggam'a katox khompi houbung lamkai ho henga'a kahin hetsah nom chu ahile, KBC ikikhai nao Manipur Baptist Convention(MBC) membership fund Rs. 30/- per Baptist member hi nanghon jong nahingel khoh'uva Office lam'a nahin thah dingvin hetsahna le temna Pakai min'a kahin nei ahi.

2. KBC khonung'a ding'a khonung leh aphachom dinga ibollu Fixid Deposit kum nga(Five Years) tohgon 2016-2020 ineiju hi anojia hin kahin tah lang'e.

- |     |                                         |                   |
|-----|-----------------------------------------|-------------------|
| (A) | Centre Churches alen loi                | Rs. 5000/- Yearly |
| (B) | Centre Churches aneo loi                | Rs. 2000/- Yearly |
| (C) | Local Churches Baptizm member 100 above | Rs. 2000/- Yearly |
| (D) | Local Churches -do- 50-100              | Rs. 1000/- Yearly |
| (E) | Local Churches -do- 50 Nouilang         | Rs. 500/- Yearly  |

Ahithei chan'a gelkhohna ineijuva Office langa ihinthah cheh diuvn Pakai min'n ikitemun ahi.

Rev. Letpu Kipgen,  
Finance Secretary KBC(I)

## Church Office Thah Thensona Kultuh Baptist Church KBC No.17

Pathen phatthei boh najal in achesa 29/3/2018, nin kultuh baptist church KBC No.17, Church office thenso na kint loupi tah chu gambih pastor T.Thangkhomang haokip in pa Pathen, chapa pathen chule Lhagao theng pathen min hon doh nale thenso na kintheng Houbung mitheng toh akinei tai.

Pu Janghao Haokip, Head Deacon, Kultuh Baptist Church, KBC No.17



## KIPA THU PHON

Achesa nisim 23rd April nikho a patna KBC Gambih No. 7 ho Executive Tour chu lolhing tah in akichaitai.

Gambih Houbung hi Houbung 18 ahin, Gambih lamkai ho group ni in aki kihom khenin ban neicha ahung kichon in ahi.

Houbung ho jousen, kipah tah in ei na lam touvin chuleh Houin kaikhom ho jong anom thei lhez jengin ahi.

Kei ho Group A ho chu Bible sim jong kache piuvin, Deutronomy sung kasim un NI. Nengcha Kipgen L Jangnomphai asim chai in chuleh Galatia, Ephesus chuleh Philipi jong asim chai manin ahi.

Gambih Tour achai na in lamkai ho jouse New Kelthelmanbi Gambih Centre Fancing ho semkhom na jong akineijin ahi. Thanom tah in natoh khom na akineijin ahi.



Mun tina Prayer partner ho tao na a ei hin kithopi ho jouse



chungu kipa thu kahin phongin ahi.

Pathen in KBC Gambih No.7 phat thei boh jing ta hen.

Rev Lamkeng, Pastor, Gambih no. 7

## Good Friday, Easter Sunday Cum Revival Crusade programme KIPA THUPHON

Nisim 29-03-2018 apat Nisim 01-04-2018 chan geiyn Buongjang Baptist Church KBC NO.16 mun a Good Friday, Easter Sunday Cum Revival Crusade programme Evan. PAOGIN HAOKIP speaker hinan lolhing tah in akimang in Pathen Thangvah in Um hen.



Tuchung Speaker Evan.PAOGIN Haokip Chung a atumben in kipathu ahung kiphongin aman lungluttah a tahsa le lhagao lam a eimapui uva SLIDE SHOW PROJECTOR mangcha a eitil khou jeh un mipiten nom akisa in seijou lou kipathu avel vel in akiphong in Pathen in ama le ain sung mite tohna a asang aja in phatthei boh jing taken.

Chule tuchung hitobang programme a panla Houbung mite chule neile gou a panla ho jouse chung a jong kipathu ahung ki sei e.

Pathen in ekiloikhomnau phatthei boh jing taken.

Pakaiya natoh khompiu,  
BOARD OF DEACON B/CHURCH BONGJANG KBC NO.16

## Thingbung/Houpi mol a

### K.B.C. Gambih No. 11 Men Department

An ngol taona kimang chaitha.



Date. 19-20 Gambih No. 11 Men Department in thingbung mol a anngol taona akimang in S.Gelbung Houbung mi ho ha pan jal in mi 70 val in moul chungah taokhomna aki mang in anom l'heh e. Hiche a hung pang pate ho le ahung pang S. Gelbung houbung mi ho ahung pang jouse chung ah Jesu min in kipathu akiphong e chule Houbung mihon bong khat ana tha uva neh le don kitup tah a ei gon peh nau chung ah Gambih Men Department in Jesu min in hiche thoso mangchan kipa thu kahin phong uve Pathen in S. Gelbung houbung mi umpi jing taken...

## CBCNEI EXECUTIVE COUNCIL AND ASSEMBLY - 2018

28 - 29th April, 2018 sung chun Assam Baptist Convention te Host hina in Nagaon Mission High School, Assam munah Council of Baptist Churches in North East India (CBCNEI) Executive Council le Assembly anaumin, Manipur Baptist Convention (MBC) thalhenga kalsong ho lah a Kuki Baptist Convention (KBC) a konin Rev. Dr. hawlngam Haokip, (President, KBC & MBC); Rev. Dr. M. Thongkhosei Haokip, General secretary, KBC; Rev. Kamboi Chongloi, Men Secretary, Pr. Haoneo Haokip, Literature Secretary; chule Driver Thomas Guite panna in mi 5 agakikal songin ahi.

Pr. Haoneo Haokip  
Secretary, Literature & Publication  
Kuki Baptist Convention

### KBC. Youth Exchange tour

KBC. Youth Exchange tour anakigongchu Gambih 13 ten gambih 19 kagachiu vin vaigeitah hi jongle Pathen jalin lolhingta in anakitai. gambih 19 te phat na le eijennaohochung a kipathu kahinphonge. KBCYWC te chungajong kipathu kahinphong e. Dt. 10-13 sung. 19



khanglaite Pathen in phatthei naboh taohen. kakipahe.

Pakaija natohkhompiu,  
Pakaija nakhompiu, Jangthang Chairman, Gambih No. 13



**KBC Youth Exchange Tour program a Gambih 13 Youth  
ten Gambih 19 agavilnao.**



**Gambih 11 Men Department in Thingbung Mol a annaol raana  
agaman nau**



Post Regd. M/V-81  
Regd No. 18134/81



If undelivered, please return to  
**The Editor. KBC Thuso**  
KUKI BAPTIST CONVENTION  
Opp. DM College, Imphal - 795 001  
Contact: 9862633173